

... خُتَيْك أَسَد ...

٣ < مَش قَاااa

جمع وترتيب

د/ مصطفى إبراهيم زايد

رقم الإيداع

٢٠١٠/١٥٥٣٥

دار النعيم

للنشر والتوزيع

٠١٠٠٣٤١٨٧٨٤

للواصل مع د/ مصطفى زايد

٠١١١٩٦٤٤١٣٣

<http://facebook.com/Dr.Mostafa.Zayed>

مَش قَااa

« في ذلك اليوم الهادي .. وحينما كانت الشمس تبدأ في الإرتفاع رويداً رويداً في الأفق ، وترسل بصيصاً من أشعتها الذهبية داخل أسوار الكلية التي قد بدأت تزدهم بالطلاب ؛ كان صاحبنا أحمد يجلس في مكانه المعتاد على سلم الكلية ، متكئاً على سوره الحديدي ، ممسكاً الموبايل في يديه ، وواضعاً (الهاند فري) في أذنيه وعينه لا تفارق كل رائح وغادي ؛ وإن صح اللفظ ؛ فكل كل (رائحة وغادية) !!..

ولسان حاله يقول : قمر .. والله العظيم قمر !!

سبحان الله .. ويخلق ما لا تعلمون !!..

« وبينما هو كذلك ؛ إذ بصوت يعكر صفو ذلك الجو الرومانسي ويقطع عليه صوت الأغنية في أذنيه !

« إذا بصوت ينادي : أحمد .. أحمد !!

فينتبه من غفلته ؛ فإذا بشخص واقف أمامه !!..

إنه صديقه هاني ..

أحمد : مش معقول .. أبو الهناهين .. مش معقول ..

هاني : (وهو يعانق أحمد) إزيك يا أبو حميد ..؟

عامل إيه يا حبيب قلبي .. ليك وحشة والله !!

أحمد : الحمد لله .. إنت اللي ليك وحشة يابني ..

أخيراً خرجت من المغارة بتاعتك ..

مستخبي زي ما يكون وراك تار .. فينك الفترة اللي

فانتت دي كلها ؟؟ مش بتيجي الكلية ليه ؟؟

هاني : كان عندي شوية ظروف شغلاني والله يا أحمد

وكمان إنت عارف إنني مش بحب أنزل الكلية غير لما

يكون عندي محاضرات أو سكاشن ، خصوصاً في

الزمن اللي إحنا فيه ده والمناظر اللي بنشوفها ..

ربنا يعافينا جميعاً !!..

أحمد : (وهو يحق النظر في إحدى الطالبات) :

يا جaaaaaaaaaاااa

مالها المناظر اللي بنشوفها بس يا عم هاني ..؟؟

زي الفل .. وزى ما تيتو صاحبي بيقول " البدييات

في الطالع .. والبناطيل في النازل .. وليلتنا بيضا " !!..

أحمد: ههههههههههه .. عنده حق والله..
البنات بقوا مشكلة صعبة فعلاً..

هاني: بص يا أحمد.. مفيش مشكلة غير وليها حل ..
أنا معاك في إن الواحد لو نازل الكلية أو الشارع
دلوقتي كأنه نازل معركة فعلاً..!!

«الواحد ببقي في جهاد رهيب مع النفس في غض
البصر .. وزى ما أنت قولت إن كل المناطق وفي كل
الأوقات دلوقتي الدنيا بقت ملغمة..!!
والصيف داخل.. والبنات مضيعين العملية خاااالص!!
وكده كده مش فارق معاهم صيف ولا شتا!!!
والنت موجود .. بل إحتمال أسعاره ترخص كمان
وببقى ليك خط لوححك في البيت!!
وكذلك الدش والموبايلات والمجلات والإعلانات
وغيره..!! يعني البنات في كل مكان..!!»

< للأسف.. هو ده الواقع.. وصعب جداً تغييره..! >

فالأسهل .. إنك إنت اللي تتغير !

هاني: لسه زى ما إنت ..!!

مش ناوي تبطل بص لبنات الناس بقى...؟؟؟

يا أخي كما تدين تُدان..!!

أحمد: أولاً.. أنا معنديش إخوات بنات ..

ثانياً .. فهمني هما بيبجوا الكلية ولايسين كده ليه؟؟
أكيد علشان نبص عليهم طبعاً .. ده حتى بيفرحوا أوي
لما بيلاقوا حد ببص عليهم.. ترضى إننا منفرحهمش؟
هاني: أيوه أرضى ، ويلا يا فالج نقوم من هنا نقعد في
حتى تانية .. علشان عايز أتكلم معاك بجد شوية ..

أحمد: يا هاني متحاولش معايا .. موضوع البنات ده
في دمي ، ملهوش حل ، أنا حولت كثير بس مقدرتش !
الواحد لو غض بصره عن الأولى والتانية والثالثة ،
مش هيقدر يغض بصره عن الألف..!

ده الواحد بيتكعبل فيهم دلوقتي..!!

هاني: فكرتني بكلمة سمعتها عن بعض البنات ؛
الشباب بيقولوا : (البنات تخليك ماشى في الشارع ،
ولو كحيت جنبها تقولك لو مكنتش تحلف) .. هههههه

«وتعالى نشوف ربنا قال إيه ..

قال الله تعالى : (قُلْ لِلْمُؤْمِنِينَ يَعْضُوا مِنْ أَبْصَارِهِمْ
وَيَحْفَظُوا فُرُوجَهُمْ ذَلِكَ أَزْكَى لَهُمْ إِنَّ اللَّهَ خَبِيرٌ بِمَا
يَصْنَعُونَ) النور: ٣٠

« لو تأملنا في قول الله تعالى (ذَلِكَ أَزْكَى لَهُمْ)

هتتعرف إن ربنا هو اللي خلقك وأمرك بغض البصر
لأنه يعلم إن ده أحسن ليك وأطهر لقلبك وأحفظ لنفسك
ولو خالفت أمره يبقى لازم هنتعب وتستاها اللي
هيحصلك في الدنيا والآخرة !

« ولو لاحظت في الآية هتلاقي تقديم غض البصر
على حفظ الفرج ... يعني ربنا أمرنا بغض البصر
الأول وبعدين أمرنا بحفظ الفرج مع إن الأمر التاني
أهم وأخطر وعقوبته أكبر في الأثم ... لكن لما كان
إطلاق البصر هو البداية والمعرض والدافع لعدم حفظ
الفرج ؛ ربنا قدمه وذكره في الأول !

لأن إطلاق البصر هو بداية الزنا والعياذ بالله ...!!

أحمد: يعني إيه؟؟

هاني: يعني لاااa

أحمد: طيب إزاي بس الكلام ده...؟؟؟
قول كلام معقول يا عم هاني...؟؟؟؟؟؟؟؟!!

أنا مش قانااa

مش قادر أغض بصري خااااااالص.. حس بيا شوية!!
هاني: حاسس بيك والله .. بس يا حبيب قلبي لازم
تتعب شوية .. إنت بقول كلمة (مش قادر) وإنت
عينك في نفس اللحظة بتبص لواحدة في الشارع أو
بتتفرج على حاجة هنا أو هناك !! لازم تيجي على
نفسك شوية.. لازم تتعب شوية ! وعايز أسالك سؤال:

< هو مين اللي أمرنا بغض البصر؟ >

أحمد: ربنا سبحانه وتعالى ..

هاني: أكيد ربنا مش هيامرنا بحاجة غير وهو يعلم
إننا هنقدر نعملها .. صح ولا أنا غلطان؟؟

أحمد: طيب ما هو الكلب هيعمل إيه بس وهو شايف حنة اللحمة قدامه؟؟؟ كان لازم ياكلها؟؟!
هاني: هقولك ما هو المفروض مكنش يقعد (بيحلق) ويفكر في حنة اللحمة دي ..بل كان المفروض إنه يشغل نفسه بحاجة تانية .. لأنه طول ما هو بييفكر فيها مش هيقدر يقاوم إغراءها وهياكلها ..

❖ **يعني متنزلش الشارع تتسكع وتقول مش عارف أغض بصري!! متحطش نفسك في وسط البنات والفتن وترجع تقول أنا مش قادر أغض بصري !!**
أحمد: بس بصراحة علشان الواحد يعض بصره هيتعب جaaaaaaامد!
هاني: تعالى يا أحمد أقولك على حاجة يمكن متكونش واخذ بالك منها ..

▶ الشاب اللي بيغض بصره ..بيتعب؟؟ أه ..!!

▶ والشاب اللي مش بيغض بصره ..بيتعب؟؟ برده أه!

إزاي الكلام ده؟؟

❖ **بيقول إن الكلب راح للأسد في يوم وقاله أنا عايزك تغير اسمي ..عايز أبقى أسد مش كلب ..**
- الأسد قاله إنت خاين ومتنفعش غير إنك تبقى كلب!
«الكلب قاله طيب جربني المرة دي وأنا هثبتك إن أنا مش كلب!
- الأسد قاله طيب خد حنة اللحمة دي وخليها معاك وهاتها معاك بكرة ..

«الكلب خد اللحمة ، ولما جاع قعد يبص للحمة ويصبر نفسه .. ولكن هتقول إيه ؛ ما هو كلب ..! نفسه غلبته وقام واكل اللحمة ..

وقال لنفسه : هو مين اللي قال إن اسمي وحش ..؟؟

ماله اسم كلب ؟؟ كلب كلب ..وايه يعني !!!

◀ **هو ده الإنسان خسيس الهمة ..**اللي أهم حاجة عنده إنه يشبع شهواته ويرضي نفسه حتى لو كان على حساب الأخرة ! مش عايز يتعب نفسه ..!! يقولك هو أنا بقى هقعد أعض وأنزل عيني في الأرض كل شوية !! علشان ايه يعني!!!!

يعني الإتنين تعبانين..

بس نعب عن نعب يفرق كئيبيسيسير!!

أحمد: إزaaaaaaاي؟؟

هاني: تعب الشاب اللي بيغض بصره هو اللي ممكن نسميه (الألم الذي يصاحبه متعة) ..

♥ يعني هو يجاهد نفسه وبيتعب ؛ بس تلاقيه بيحس بلذة الطاعة وعض البصر ولذة الإنتصار على الشيطان .. وحلاوة الايمان والنور في قلبه عمالين يزيدوا يوم ورا يوم ..

يعني ده مش تعب ..بالعكس ؛ ده راحة وسعادة ..!

أحمد: بس أنا لو مشيت وأنا ببص في الأرض ممكن عربية تخبطني؟؟!

هاني: مش للدرجة يعني يا أحمد..!! وبعدين ما هو ممكن يا باشا تكون برده بتبص على واحدة ومركز فيها أوي وتقوم عربية شايبلاك ، ولا أنا غلطان !

أحمد: لأ ..عندك حق ..

❶ **الشباب اللي فاتحها هيئة أرساد** والعملية عنده على البحرى ؛ كل اللي بيعمله إنه يشبع شهوته فى النظر للبنات ، وهو فاكتر إنه كده هبستريح ..!!

ميعرفش إنه بالعكس عمال يحط بنزين على النار ..! يبص يلاقى نفسه مش قادر خلاص..شهوته هتموته ! عمال يبص على حاجات ومش قادر إنه يوصلها ..!!!

« يقوم بيقى فى أشد حالات التعب النفسى والإكتئاب ، ويضطر إنه يفرغ شهوته فى عادة سيئة أو زنا ..! عامل زي واحد عنده مثلاً ورم فى المخ مسببيله صداع وعمال ياخذ مسكنات ، وفاكر إنه كده هيفخ!

وميعرفش إنه بالمسكنات دى بيخفى أعراض المرض الأصلى اللي عمال يزيد وهيموته !!

❷ **تعالى بقى للشباب اللي بيغض بصره..**

تعبان هو كمان..عمال يجاهد فى نفسه والشيطان، ولو عينيه وقعت على حاجة فى مرة ؛ شهوته تنور وهو يجاهدها .. ويتحط فى مواقف وفتن ، ومع ذلك عمال يبصر ويجaaaaaaاهد ..

« ونصح رسول الله ﷺ سيدنا علي ذات يوم فقال :
[يا علي، لا تتبع النظرة النظرة ؛ فإن لك الأولى
وليست لك الآخرة]

« وده مش معناه إنك تقعد تبص ربع ساعة وتقول
دي النظرة الأولى !! إنت هتضحك على مين ؟؟
« ولازم تعرف إن الشيطان مش هيسيبك !!

➔ الشيطان مش هيسيبك !!

هيقعد يقولك بص ياعم علشان تعرف تختار عروسة !
بص يا عم وتأمل في الجمال وقول سبحان الله !!
بص يا عم دول إخوانك في الإسلام مش حد غريب !
بص يا عم دول محجبات ومفيش حاجة منهم ظاهرة !
« الشيطان مش هيسيبك ؛ لأنه عارف إن المرأة
أقوى سلاح ممكن يستخدمه في إغواءك ..
قال رسول الله ﷺ : (ما تركت بعدي فتنة أضر على
الرجال من النساء) متفق عليه.

أحمد: طيب أنا دلوقتي أعمل إيه ..؟؟؟
أغمي عيني وأنا خارج وأجيب واحد يسحبني ..؟؟
ولا أقعد في بيتنا ومخرجش خالص ؟؟

أعمل إيه بالظبط ؟؟؟ شو قلني حل ؟؟؟

ما هو الواحد دلوقتي لو رفع عينيه يمين أو شمال
هيالقي بلاوي سودا !!
هاني: لا تغمي عينك ولا حاجة.. الموضوع أبسط من
كده إن شاء الله .. إنت هتعيش طبيعي جداً .. وأول ما
عينك تقع على واحدة في أي مكان هتغض بصرك..
أحمد: طيب والمرة الأولى اللي أنا شوقتها فيها ،
دي هتتسبب إيه ؟؟
هاني: دي مش هتتسبب عليك لأنها غصب عنك..
دي اسمها نظرة الفجأة ..

« [عن جرير رضي الله عنه قال سألت النبي ﷺ
عن نظر الفجأة ، فقال : (إصرف بصرك)

وعليك بوصية النبي ﷺ :

(يا معشر الشباب من استطاع منكم الباءة فليتزوج
فإنه أغض للبصر وأحصن للفرج ، ومن لم يستطع
فعلية بالصوم فإنه له وجاء) متفق عليه

« وطبعاً هتقولني إنك مش مستطيع تتزوج ، هقولك
يبقى عليك بالصوم ، هتاخذ ثواب الصيام وهتستعين
به على غض البصر ! شوف حديث النبي ﷺ :

(ما من عبد يصوم يوماً في سبيل الله إلا باعد الله
بذلك اليوم وجهه عن النار سبعين خريفاً) متفق عليه
أحمد: بس أنا جريت الصيام وبرده مفيش نتيجة ؟!!
هاني: داوم على الصيام يا أحمد .. وإصبر .. ولازم
تعرف إنه مش هيطفي نار الشهوة في قلبك غير دموع
الخشية والخوف من الله .. لازم تتيقن إن ربنا شايفك
ومطلع على قلبك .. قال الله تعالى :

(يَعْلَمُ خَائِبَةَ الْأَعْيُنِ وَمَا تُخْفِي الصُّدُورُ) غافر: ١٩

وطالما عرفت إن ربنا مطلع عليك ؛ يبقى تستحي منه
وفي نفس الوقت تخاف من عقابه في الدنيا والآخرة..

« مش هيسيبك ؛ لأنه عارف إن نظرة واحدة ممكن
تخلي قلبك يولع وتبقى لا عارف تصلي ولا تقرأ
قرآن ولا عارف تعمل أي حاجة..!!

« النظر سبب مسموم من سهام إبليس ، يسم قلبك
وإنت مش داري ، ومجرد ما السم يدخل في القلب ؛
تيجي تتدخل تصلي ماتلاقيش قلب !! الناس قاعدة
تبكي وأنت مش لاقى قلبك!! تجيبه شمال، تجيبه يمين
تعمل أي حاجة علشان يتحرك ، مفيش فائدة !!

« قال رسول الله ﷺ : (الإثم حوَّاز القلوب، وما من
نظرة إلا وللشيطان فيها مطمع) صححه الألباني

« يعني الشيطان نفسه بس في نظرة منك لواحدة ،
وهو هيقوم بالباقي ويشوف شغله بعد كده مع قلبك !!
أحمد: أعوذ بالله من الشيطان الرجيم ..

الشيطان ده مش هيسيبنا غير لما يودينا في داهية !
هاني: طبعاً .. هو وراه حد غيرنا !!
علشان كده لازم ننقل جميع الأبواب اللي هيدخلنا منها

« وكمان غَض البصر وسيلة لضمان الجنة ..

قال رسول الله ﷺ : (إضمنوا لي ستاً من أنفسكم أضمن لكم الجنة ؛ أصدقوا إذا حدثتم ، وأوفوا إذا وعدتم ، وأدوا الأمانة إذا إنتمتم ، وأحفظوا فروجكم ، **وغمضوا أبصاركم** ، وكفوا أيديكم) صححه الألباني

♥ هتيجي على نفسك شوية .. وهنتعب شوية في الأول .. بس إن شاء الله هتلاقي الراحة في الدنيا والآخرة بعد كده ..

« وخليك فاطر كويس قول الله تعالى :

(وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا وَإِنَّ اللَّهَ لَمَعَ الْمُحْسِنِينَ) العنكبوت: ٦٩

« لو ربنا اطلع على قلبك وعلم إنك فعلاً عابز تغض بصرك وبتجاهد نفسك وعندك نية صادقة ؛ هيهديك ويقويك ويعينك وهيصرف عنك كيد الشيطان والنفس الأماراة بالسوء ..

➔ في الدنيا ممكن يسحب منك نعمة البصر!!

وفي الآخرة الله أعلم هيحصلك إيه !!

« لازم تخاف من ذنوبك ومعاصيك ومتعتقدش إنها صغائر وحاجات تافهة ومش هتضررك..

قال رسول الله ﷺ : (**اياكم ومحقرات الذنوب فإنهن يجتمعن على الرجل حتى يهلكنه**) صححه الألباني

« وعلشان تخاف؛ لازم تعرف إنت بتعصي مين ؟؟؟ لازم تعرف قدر ربنا ومقامه ..

« **لا تنظر إلى صغر المعصية ..**

ولكن أنظر إلى عظمة من عصيت !!..

« ولأزم تعرف إن غض البصر وسيلة للنجاة في الآخرة والهروب من النار .. قال رسول الله ﷺ : (ثلاثة لاترى أعينهم النار يوم القيامة ؛ عين بكت من خشية الله ، وعين حرسيت في سبيل الله ، **وعين غضت عن محارم الله**) صححه الألباني

دفيش فايدة !!!!

محمود: أنا تعبناaaaaaaaaاااان ..محدث حاسس بيا !! محدش حاسس أنا جوايا ايه .. !! جوايا نااااااااااااار..

أنا مش طايق أي حاجة في حياتي..!

لو مش عارف إن اللي بيتحر له عذاب عظيم كنت إنتحرت من زمانااااان ، أنا

هنعيشها صح : إنت ايه بس يا عم ..!!!

إهدى كده علشان نعرف نتكلم ..

محمود: أهدي إزاي بس ؟؟؟!

مش بقولك إنت مش حاسس بيا !

هنعيشها صح : مين اللي قال كده بس..؟؟!

حاسس بيبك والله .. وكلنا مرينا بفترات زي دي وأصعب كمان.. وعدت بفضل الله ..

محمود: دي مش فترة ..أنا بقالي سنيبيبيبيبيبي ومفيش ذرة تقدم في حياتي !!

« إرفع إيدك وقول يا رب..

وتأكد إنه سبحانه وتعالى سميع قريب مجيب الدعاء..

♥ قال الله تعالى :

(وَقَالَ رَبُّكُمْ ادْعُونِي أَسْتَجِبْ لَكُمْ) غافر: ٦٠

♥ وقال النبي ﷺ :

(**إن الله تعالى حيي كريم يستحي إذا رفع الرجل إليه يديه أن يردهما صفراً خائبين**) صححه الألباني

« بلا نغض أبصارنا ونحفظ قلوبنا طاهرة نقية ونعيش أحلى حياة ..

أحلى حياة في طاعة الله

www.goodwayinlife.com



ح يا نرى إيه السبب؟؟

«**الأول** : لازم تعرف إن زى ما الرسول ﷺ قال إن كلنا خطائين وبنعمل ذنوب (إن ابن آدم خُلِق مُفْتَنًا تواباً نسياً إذا ذُكر تذكر) .. يعني الإنسان لو حد ذكره بيتذكر ..التذكرة دي موجودة بفضل الله زى ما إنت قولت إنك بتقرأ وبتسمع مواعظ وخطب بس مش بتجيب نتيجة؟؟ ليه ؟ علشان مفيش تطبيق على أرض الواقع !!

إزاي؟؟؟؟؟؟؟؟؟؟

«**الأول** : يعني لو إنت بتتفرج على مواقع على النت ، لازم تحط برنامج مانع للمواقع دي ، وفيه برامج كتير بتعمل كده ..إنت بقى محطيتش ..عايز تبطل إزاي؟ بالكلمتين اللي سمعتهم في الخطب؟؟ مش هينفع طبعاً ..**لازم خطوات عملية** ..

محمود: متهيألي مش محتاج أقولك إن ظروفى ماتسمحش بالزواج دلوقتى ..
هنعيشها صح: عارف .. أنا بس بأتناقش معاك علشان نوضح جوانب المشكلة ..
«**علشان كده** عايزك تفهم إننا مش بنفكر في طريقة للقضاء على الشهوة قضاء نهائي ونعيش مرتاحين وآخر حلوة .. لكن الموضوع كله صبر وجهاد من أوله لآخره !!
مفيش حل كده بسيط .. ! مش دوا هتاخده يخليك تبطل نظر للنساء ولا تبطل إنجذاب ليهم !!
محمود: جميل .. وأنا يا سيدي مشكنتي إني والله بجاهد نفسي .. بس دايماً ، أو نقول غالباً عشان أبقي صادق ، أقع وأرجع تاني زي الأول وأسوأ !!
هنعيشها صح : شوف يا سيدي .. إنت قولتلي إنك قريب كتير وسمعت شيوخ كتير ؛ ولكن بتتأثر شوية وبعدين بتراجع تاني ، وممكن ترجع للأسوأ كمان ..

فيه من الصور والأفلام والمواقف ما يكفيه إنه يرجع تاني للضياع !!!..

إذا الحل .. إنه يبدأ بقلبه الأول ..

طبعاً مع غض البصر وبقية الخطوات العملية .. بس لازم ينضف قلبه الأول ويظهره علشان يقدر يغير حياته فعلاً ..

«**التخلية قبل التحلية** يا محمود..

زي اللي يجيب كوباية مش نظيفة وعايز يشرب فيها مش كفاية إن المية تكون نظيفة لوحدها .. لازم الكوباية نفسها - الوعاء اللي هنتحط فيه الميه - تكون نظيفة هي كمان !!

♥ وكذلك القلب .. قلبك لازم يكون طاهر علشان يستقبل كلام الله عز وجل ويستشعره ويعيه وينفذه .. لازم تطهر قلبك الأول يا محمود..

محمود: بس أنا بحاول أغض بصري بس مش بقدر!
هنعيشها صح: ما هو ده علشان إنت بتحاول تغض بصرك وإنت أصلاً مخك مليون صور..!
هتغضه إزاي وإنت قلبك متشرب الصور دي..؟؟
محمود: يعني إيه ؟
هنعيشها صح: يعني أنت كده بتعالج العرض ، مش بتعالج المرض نفسه..!
غض البصر مهم جداً طبعاً .. وأمر من الله عز وجل لازم نلتزم بيه.. بس ماينفعش تبقى الحاجة الوحيدة اللي تعملها هي غض البصر وتفكر إن ده هيخلصك من مشكلة الأفلام والمواقع والعادة السيئة ..
«**تعالى نتكلم عموماً** عن واحد غرقان في بحور الشهوات ،وضايح من أوله لآخره..وعايز ينتشل نفسه من اللي هو فيه..هل أول خطوة يعملها غض البصر؟
«**طيب هيغض بصره** إزاي وهو قلبه أصلاً في الضياع...ع.. ولو غض بصره ، طيب ما قلبه وعقله

محمود: طيب وهطهر قلبي إزاي بقى؟؟؟

هنعيشها صح: بحاجات سهلة وبسيطة جداً..

« تطهره بإدمان الإستغفار.. النبي ﷺ قال :

[إن العبد إذا أخطأ خطيئة ، نكتت في قلبه نكتة

سوداء ، فإن هو نزع واستغفر وتاب ؛ سُقِلَ قلبه

وإن عاد زيد فيها حتى تعلق على قلبه] حسنه الألباني

النبي ﷺ يقول : (فإن هو نزع) خدت بالك من نزع

دى؟ يعني يفك الأول عن الذنب ، وبعدين؟ (واستغفر

وتاب سُقِلَ قلبه) عارف يعنى ايه سُقِلَ ؟ يعني أثر

المعصية اتمحى والقلب رجع نقي وطاهر من جديد ..

« تطهره بكثرة ذكر الله والصلاة على حبيبك ﷺ ..

« تطهره بقراءة كتاب ربنا وفهم معانيه ..

« تطهره بالدعاء والتضرع لربنا ..

قول يارب مليش غيرك .. يارب إهد قلبي ..

يارب طهر قلبي .. يارب إجعل في قلبي نور ..

يارب ثبت قلبي على الإيمان والتقوى ..

محمود: طيب ، هل القلب فعلاً هو البداية الصحيحة ؟

« هل القلب فعلاً هو الأهم ؟؟

هنعيشها صح: ربنا سبحانه وتعالى يقول :

(يَوْمَ لَا يَنْفَعُ مَالٌ وَلَا بَنُونَ * إِلَّا مَنْ أَتَى اللَّهَ

بِقَلْبٍ سَلِيمٍ) الشعراء: ٨٨-٨٩

« القلب محل نظر الرحمن كما قال النبي ﷺ :

(إن الله لا ينظر إلى صوركم ولا أموالكم ؛ ولكن ينظر

إلى قلوبكم وأعمالكم) رواه مسلم

وكمان قال رسول الله ﷺ : (ألا وإن في الجسد

مضغة إذا صلحت صلح الجسد كله ، وإذا فسدت فسد

الجسد كله ألا وهي القلب) رواه البخاري

« الناس فاهمة الكلام ده ، لكن للأسف بيستخدموه فى

غير موضعه !! يقولك العبرة بالقلب !! مادام ده

صافي وزى البفتة البيضاء يبقى كله تمام...!!

وطبعاً ده كلام غير صحيح ؛ لأنه لو قلبه أبيض فعلاً

وطاهر مكنش هيبقى ده حاله مع ربنا ..!!

« يعنى إنت واقف يوم القيامة وبتنظر فى أعمالك ،

لقيت عندك جبالاً حسانات .. وحسانات بيضاء

كمان .. صلاة على صيام على صدقة على بر والدين

على صلة رحم على حسن خلق على عطف على

الفقراء والأيتام .. جبالاً حسانات ..

« وإنت واقف وخلص بعد ما شوفت حساناتك

وحطيت فى بطنك كوم بطيخ إنك برحمة ربنا هتدخل

الجنة ..

تبص تلاقي ربنا يقول : (وَقَدِمْنَا إِلَىٰ مَا عَمِلُوا مِنْ

عَمَلٍ فَجَعَلْنَاهُ هَبَاءً مَنْثُورًا) الفرقان: ٢٣

« فبيبين الحسانات؟؟؟؟!!

كله رابطة...مفيش ولا حسنة واحدة!!

« ليه كده يارب؟؟

ده أنا كنت بصلي وأصوم وأقرأ قرآن !!!

« لأنهم (إذا خلوا بمحارم الله إنتهكوها)

محمود: كلام جميل جداً.. وبعد كده؟؟

هنعيشها صح : الحاجة اللي بعد كده هي إنك لازم

تعرف خطورة الأفلام والمواقع دي علشان تبعد عنها

وتبطل تتفرج عليها ! الموضوع خطيبير !

محمود: خطير إزاي بس؟ ما هي زياها زي أي مناظر

وصور بنشوفها فى كل حنة دلوقتي ! فى الشارع أو

فى التلفزيون أو فى السينما..عادي يعنى !

هنعيشها صح: لأ يا حبيب قلبي ..مش عادي طبعاً!!

« عن ثوبان رضي الله عنه عن النبي ﷺ أنه قال :

[لأعلمن أقواماً من أمتي يأتون يوم القيامة بأعمال

أمثال جبال تهامة بيضاء ، فيجعلها الله هباءً منثوراً

قال ثوبان يا رسول الله :صفهم لنا جلهم لنا لا نكون

منهم ونحن لا نعلم ؟ قال ﷺ : أما إنهم إخوانكم ومن

جلدتكم ويأخذون من الليل كما تأخذون ولكنهم قوم

إذا خلوا بمحارم الله إنتهكوها] صححه الألباني

« إنت عارف الكلام ده يعنى إيه؟؟

محمود: قول يا عم الخطوات دي ربنا يباركك .. وأوعدك إن شاء الله إني هشتغل بيها على أرض الواقع علشان مرجعش للقذارة دي تاني .. **هنعيشها صح :** بص يا سيدي وركز معايا ..

(١) إبدأ من دلوقتي..

« دلوقتي حالاً .. لو عندك أي حاجة من الأفلام دي على الموبايل أو على الجهاز إحدفها فوراً، متستناش !! كفاية إن ربنا أمهلك لحد دلوقتي علشان تتوب .. **إوعى تسوّف ..** لازم تحذفهم علشان تحقق شرط التوبة الأساسي في الإقلاع عن الذنب والندم عليه ..

(٢) إستنعن بالله أولاً وأخيراً..

« أصل مهمما حاولت ومهما عملت إنت عبد ضعيف ليس لك حول ولا قوة .. لازم تعترف قدام نفسك بكده، ولازم تقول يارب، قول يارب مليش غيرك ..

الأفلام هتقلب بعادة سيئة.. شوية شوية عياداً بالله زنا ! شوية شوية ضياع النخوة وإنتكاس الفطرة ويقلب بزنا محارم ..!!!! ومصايب وبلاوي محدش يتخليها !!

« **وعايز أسألك سؤال وتجاوبني بكل صراحة..** بعد كل الأفلام والصور اللي اتفرجت عليها دي ..

إستفدت إيه؟؟؟؟!

محمود: مستفدنتش أي حاجة.. لذة مؤقتة وبتزول !!.. **هنعيشها صح :** شوفت بقى ؛ مفيش حاجة غير الذنب اللي إتسجل عليك ... واللذة راحت وخلص !! **محمود:** خلاص بقى متحسرنش أكثر من اللي أنا فيه! بس برده عايز أقولك إن حتى بعد الكلام المرعب والرهيبي اللي إنت قولته والأحاديث والكلام ده كله ؛ ممكن برده أنسى الكلام ده وأرجع أتفرج تاني...!! **هنعيشها صح:** ما هو علشان كده بقولك إنك لازم تاخذ خطوات عملية على أرض الواقع علشان تمنع نفسك إنك ترجع تاني للمعصية دي !

(٣) الصعبة ثم الصعبة ثم الصعبة..

« دور على صحبة سالحة .. ليبيبييه؟؟ أصل أي شاب غير صالح هتقعده معاه مش وراه غير البنات وسيرتهم ، يا سيرة الأفلام والأغاني ..كله من النوعية دي...!! ومجرد بس ما حد هيفكرك ؛ هتلاقى الشيطان ما صدق وعمال يقلب الشهوة جواك .. وترجع للقرف ده تاني ...!!

النبي ﷺ بيقول : **(الرجل على دين خليله ، فليظنر أحدهم من يخال)** حسنه الابناني

وإنت لسه مُصيرٌ إنك تستمر مع صاحبك ؛ مع إنك عارف ومتأكد إنه هيسحب رجلك تاني للمعصية !! والسبب إنك بتحب صاحبك !

فهل حبك له أكبر من رغبتك في القرب من ربنا ؟؟؟ مش قادر تضحي بصاحبك علشان ميزعلش منك وبتضحي بنفسك وترميها في نار جهنم ؟؟؟!!!!

« ده سيدنا يوسف (عليه السلام) مع إنه نبي ؛ ولكنه إستعان بالله علشان يبعد عنه امرأة العزيز ..

« إستعان بالله ودعا ربنا وقال :

(وَأَلَّا تَصْرَفَ عَنِّي كَيْدَهُنَّ أَصْبُ إِلَيْهِنَّ) يوسف: ٣٣

قربنا إستجابله ونجّاه ..

(فَاسْتَجَابَ لَهُ رَبُّهُ فَصَرَفَ عَنْهُ كَيْدَهُنَّ إِنَّهُ هُوَ السَّمِيعُ

الْعَلِيمُ) يوسف: ٣٤

♥ **ببقى لازم تقول يارب** وإنت على يقين إنه سبحانه وتعالى شافك وحاسس بيك .. ولو إنت عندك نية صادقة في التوبة ؛ هيقربك منه ويبعدك عن أي معصية ، لأنه خلقك وهو الوحيد سبحانه وتعالى اللي عالم بضعفك وعلشان كده مش هيضيعك وبإذن الله برحمته هينجيك من المشكلة دي ..

« **بس إنت أصدق مع الله ولو مرة ..!!**

(٨) الجنة..

«آيوه الجنة..!! إنت عارف ايه هو نعيم الجنة؟؟»
 «لازم تسمع دروس وتقرأ عن الجنة علشان تعرف
 إنت بتضيع ايه من إيدك بمعصيتك دي؟؟
 إزاي تتبع الحور العين اللي لو ضحكت ، الجنة تنور
 من ضحكتها بشهوة دقيقة أو ساعة أو حتى سنة..؟؟»
« قول لنفسك :

عيني اللي بتنظر للحرام في الدنيا

إزاي هتفوز بالنظر لوجه الله في الجنة!!!

(٩) حصن نفسك بالأذكار..

«الأذكار اللي بتحميك من الشيطان زي :
 (لا إله إلا الله وحده لا شريك له له الملك وله الحمد
 وهو على كل شئ قدير) ١٠٠ مرة صباحاً ومساءً..»

**ليه نعرض نفسك لعذاب إنت متستحملش
 ثانية واحدة منه؟**

«علشان كده .. من الوسائل المجربة والفعالة ساعة
 ما نفسك أو الشيطان يغويك ويقولك إتفرج ؛ روح
 جري على البوتجاز أو ولع عود كبريت وقرب إيدك
 منه .. وقول لنفسك إنتي مش قادرة تستحملي ثانية من
 نار الدنيا ، هتعملي إيه في نار جهنم !!!»

وعلى طول لازم نذكر نفسك بالموت ..

« زور المقابر وشيع جنازات ..
 وإسمع شرايط كتير عن الموت والدار الآخرة...
 حطهم على موبايلك .. وعلى الديسكتوب في الجهاز ..
 إكتب ورقة أو لوحة كتذكرة عن الموت وعلقها في
 أوضتك .. وهكذا .. وخلي شعارك دايماً ..»

[إِنِّي أَخَافُ أَنْ عَصَيْتُ رَبِّيَ عَذَابَ يَوْمٍ عَظِيمٍ]

(١٠) الله يراك!!!

« ربنا .. السميع البصير .. شافك .. ومطلع عليك ..
 ليه جعلته أهون الناظرين إليك ..؟؟»

ليبيبيبييه؟؟؟

« هات ورقة واكتب عليها (الله يراني) وإلزقها على
 الشاشة قدامك على طول .. أو هات إستيكر جاهز
 وإلزقه..وبإذن الله مش هتقدر تعصي ربنا كل ما تبص
 على الورقة دي ..»

(١١) الحسنات المأخية..!

« قال الله تعالى : (إِنَّ الْأَحْسَنَاتِ يُذْهِبْنَ السَّيِّئَاتِ
 ذَلِكَ ذِكْرَى لِلذَّاكِرِينَ) هود: ١١٤»
 « ومن وصايا الرسول ﷺ :
 (إذا عملت سيئة فأتبعها حسنة تمحها) صححه الألباني

« **والحسنة المأخية** دي بتبقى حاجة إيجابية
 الإنسان بيعملها بدل ما يقعد ندمان و ما يعملش حاجة
 ، أو الشيطان يجيله و يبأسه من قدرته على التوبة ..
 فلما يعمل حسنات مأخية بعد الذنب والإستغفار ،
 هيطلع من دائرة اليأس اللي الشيطان بيحطه فيها بعد
 الذنب ، وفي نفس الوقت هيساعد في إن السيئات اللي
 عملها دي تُغفر له ، ويقل الهم و الضيق اللي هيشعر
 بيه بعد المعصية ..»
 « **وبالنسبة للحسنات المأخية** فهي كثيرة بحمد الله ،
 هنذكر بعضها بدون أن نذكر الأحاديث للإختصار :
 « قراءة القرآن ؛ كل حرف بحسنة و الحسنة بعشرة
 أمثالها ، و صدقة السر بتطفئ غضب الرب ؛ وربنا
 بيضاعفها لحد ٧٠٠ ضعف أو أكثر ، والتسبيح
 والتحميد والتكبير والتهليل بعد كل صلاة ، والوضوء ؛
 تخرج معه الخطايا من كل عضو تغسله، والذهاب
 للمسجد ؛ مع كل خطوة تزيد حسنة و تُحط عنك سيئة،
 وغيرها كتبيبيبيبيير في ديننا و الحمد لله ..»

« **وخليك متأكد إن ربنا هيقلبك** لو رجعتله تأذب وإنك معاك ذنوب قد السما والأرض والدنيا كلها..
 « **بل لو إنت تبت** وصدقت في التوبة وبدأت تعمل أعمال صالحة..ربنا هيبدل سيئاتك كلها حسنات..!!!
 أيوه مستغربش ..لو تبت ورجعت لربنا سيئاتك هتتبدل حسنات .. قال الله تعالى : (**إِنَّمَا مَنْ تَابَ وَآمَنَ وَعَمِلَ عَمَلًا صَالِحًا فَأُولَئِكَ يُبَدِّلُ اللَّهُ سَيِّئَاتِهِمْ حَسَنَاتٍ وَكَانَ اللَّهُ غَفُورًا رَحِيمًا**) الفرقان:٧٠

« **إوعى تياس** .. وقول يارب ارزقني الصبر..
 النبي ﷺ قال : (**ومن يستغفب يعغه الله ومن يستغن يعغه الله ومن يتصبر يصبره الله**) متفق عليه
 ♥ يعني اللي هيطلب العفة وهيحاول إنه يصبر ، ربنا هيهديه ويعفه ويرزقه الصبر ..بس زي ما قولتلك : **أصدق مع الله .. يصدقك الله ..**

(١٢) إوعى تياس..!!

« **لأنك بشر** ..مش معصوم ..لازم هتقع ..وكل مرة هتقع فيها ؛ بعد ما تتوب لازم تكون المرة اللي بعدها أقوى ، وتعرف إيه اللي وقعك وتسد نقط ضعفك في وجه الشيطان والنفس الأمارة بالسوء..
 الشيطان هيقد يقولك هي مرة وتعدى،مجتنش من مرة إنت كنت بتتفرج على ١٠٠ فيلم في اليوم ! وتعمل العادة السيئة ألف مرة قبل كده ..عديها المرة دي !!
 وبعد كده مش هييسيك..هيقولك أديك وقعت يا حلو !!
 مفيش فائدة..إنت متقدرش تعيش من غيرها !!
 فلأزم تكون عارف إنه مفيش حاجة اسمها يأس..!!!
 أول ما تقع ؛ إرجع لربك وجدد التوبة في لحظتها ..
 « **إنت ماشى على روشته علاج** .. لازم تكملها للأخر علشان تجيب نتيجة .. لو أي حاجة حصلت وإنك في رحلة العلاج ؛ لازم تصبر وتكمل الدوا..!

يا ترى هتقول لربنا إيه؟؟؟؟ هتأذب؟؟؟؟

للأسف مش هتقدر تكذب ..عارف ليه؟؟

لأن كل حاجة إنت عملتها متسجلة صوت وصورة !!

« **قال الله تعالى : (هَذَا كِتَابُنَا يُنطِقُ عَلَيْكُمْ بِالْحَقِّ إِنَّا كُنَّا نَسْتَنسِخُ مَا كُنتُمْ تَعْمَلُونَ)** الجاثية:٢٩
 وقال تعالى : (**أَمْ يَحْسَبُونَ أَنَّا لَا نَسْمَعُ سِرَّهُمْ وَنَجْوَاهُمْ بَلَىٰ وَرُسُلْنَا لَدَيْهِمْ يَكْتُبُونَ**) الزخرف:٨٠
 ➤ يعني إوعى تكون فاكرك إنك طالما قفلت الباب خلاص محدش شايفك إده كل حاجة متسجلة ومكتوبة! والحساب هيبقى بمتقال الذرة ..يعني مفيش حاجة هتعددي كده بالساهل..هتتحاسب على كل شئ ..
 قال الله تعالى : (**فَمَنْ يَعْمَلْ مِثْقَالَ ذَرَّةٍ خَيْرًا يَرَهُ * وَمَنْ يَعْمَلْ مِثْقَالَ ذَرَّةٍ شَرًّا يَرَهُ**) الزلزلة:٧-٨

خلي بالك .. هتشهد عليك !!

« **عايز أفكرك بنعم ربنا عليك**.. وخاصة نعمة البصر

ياترى حاسس بقيمة النعمة دي؟

« **ربنا خلق ناس كثير وأخذ منهم نعمة البصر** ..
 كام واحد أعى شوقته؟؟
 كان ممكن تكون مكانه ! صح؟؟
 ولكن ربنا أنعم عليك بفضلله ، ووهيك نعمة البصر..
 وبدل ما تشكر النعمة وتستخدمها في قراءة القرآن والبقاء من خشية الله ، تقوم تستغلها أسوأ إستغلال !!
 « **والله لتتسأل عن النعمة دي ..إستخدمتها في إيه؟؟**
 « **قال الله تعالى : (إِنِ السَّمْعَ وَالْبَصَرَ وَالْفُؤَادَ كُلُّ أُولَئِكَ كَانَ عَنْهُ مَسْئُولًا)** الإسراء:٣٦

← ليه نعمل في نفسك كده ؟؟

وايه اللي يسناهل في الدنيا دي كلها ؟؟

« شوفوا الحديث ده ..

قال النبي ﷺ : (ويوتى بالرجل من أهل النار ، فيقول الله له : يا ابن آدم كيف وجدت منزلك ؟ فيقول أي رب شر منزل ، فيقول الله له : أتفتدي منه بطلاع الأرض ذهباً ؟ فيقول أي رب نعم ! فيقول الله له : كذبت .. قد سألتك أقل من ذلك وأيسر فلم تفعل ! فيُرد إلى النار) صححه الألباني

→ قد سألتك أقل من ذلك وأيسر فلم تفعل !

« مش غضل البصر كان أسهل !؟

« مش البعد عن الحب الحرام كان أسهل !؟

« مش المحافظة على الصلاة كانت أسهل !؟

« مش البعد عن صحبة السوء كان أسهل !؟

« مش ترك الأغاني والأفلام كان أسهل !؟

« الموت مش بعيد عني وعنك !!

شباب المسلمين بيموتوا على إيه دلوقتي؟؟!

على الأغاني والأفلام والإباحيات والمخدرات !!

⊕ اللي عايز يموت على طاعة ،

يعيش على طاعة ..

« ربنا أمهلك كثير، وسترك كثير، ويعتلك رسائل كثير!

بس إنت اللي قلبك إتعمى ومبقاش يشوف..!!

« كل واحد قريبك أو زميلك مات رسالة من ربنا ليك!

« كل حادثة شوفتها في يوم على الطريق رسالة ليك!

« كل مرض جالك ولو نزلت برد رسالة من ربنا ليك !

« كل كتيب أو إسطوانة وصلتك رسالة من ربنا ليك!

→ بعد ده كله ؛

لو كملت في الطريق اللي إنت ماشي فيه ،،

يبقى إنت اللي إخترت جهنم بايدك..!!

شعارات في مواجهة الشهوات

♥ وأخيراً.. عايز الشعارات دي تبقى في ذهنك على طول علشان تقدر تقاوم الشهوات والفتن اللي أصبحت في كل مكان ..

① [عينك أمانة ، هتقول لربنا ايه لما يسألك عنها ؟]

② [الله معي .. الله يراني .. الله مطلع علي]

③ [كيف يكون عاقلاً من باع الجنة بشهوة ساعة؟]

④ [كيف لعين تنظر إلى الحرام في الدنيا أن

تفوز بالنظر إلى وجه الله في الجنة ؟؟؟]

⑤ [إني أخاف إن عصيت ربي عذاب يوم عظيم]

أسأل الله عز وجل أن يجمعنا مع حبيبنا ﷺ في الفردوس الأعلى من الجنة .. اللهم آمين ،،

← ساعتها .. مش متخيل ندم الواحد

هيبقى شكله ايه؟؟!!

«١» يلا يا شباب نفوق بقى !! كل واحد يقف

وقفة مع نفسه دقيقة واحدة .. يقولها إنتي

موديانى على فين؟؟!!

أنا مستحلمش نظرة غضب واحدة من ربنا؟!!

كفاية بقى!!

☑ إبكي على كل دقيقة ضاعت من عمرك وإنت

بعيد عن ربنا .. وإبدأ حياة جديدة .. بقلب جديد ..

أحلى حياة في طاعة الله

